

Na osnovu člana 16. Zakona o upravi ("Službeni glasnik BiH", br. 32/02 i 12/04) i Zaključka Vijeća ministara Bosne i Hercegovine sa 98. sjednice, održane 14. septembra 2009. godine, ministar komunikacija i prometa Bosne i Hercegovine donosi

PRAVILNIK

O CIJENI DOKUMENATA ZA REGISTRACIJU VOZILA I NAKNADI ZA KORIŠTENJE REGISTARSKIH TABLICA

Član 1.

(Predmet)

Ovim pravilnikom propisuje se cijena dokumenata za registraciju vozila i naknade za korištenje registarskih tablica, način uplate, raspodjela i namjena novčanih sredstava ostvarenih izdavanjem ovih dokumenata.

Član 2.

(Cijena dokumenata za registraciju vozila)

Cijene obrazaca dokumenata za registraciju vozila su:

- a) Potvrda o vlasništvu vozila 5 KM
- b) Potvrda o registraciji 5 KM
- c) Stiker naljepnica 5 KM

Član 3.

(Naknada za korištenje registarskih tablica)

Naknade za korištenje registarskih tablica su:

- a) Registarske tablice sa međunarodnom oznakom BiH za motorna vozila 20 KM
- b) Registarske tablice sa međunarodnom oznakom BiH za priključna vozila, motocikle i bicikle sa motorom 10 KM
- c) Registarske tablice za vozila diplomatskih i konzularnih predstavništava u BiH 30 KM
- d) Registarske tablice za privremeno registrirana vozila sa međunarodnom oznakom BiH 50 KM
- e) Probne tablice sa međunarodnom oznakom BiH 5 KM

f) Za izgubljene, uništene i nestale tablice za par 40 KM

g) Za izgubljene, uništene i nestale tablice za priključna vozila, motocikle i bicikle sa motorom, za jedan komad 20 KM

Član 4.

(Uplata sredstava)

Novčana sredstva prikupljena od izdavanja dokumenata za registraciju vozila i naknada za korištenje registarskih tablica, uplaćuju se na Jedinstveni račun Trezora Bosne i Hercegovine, Ministarstvo finansija i trezora Bosne i Hercegovine.

Član 5.

(Raspodjela sredstava)

(1) Nadležnim organima za izdavanje dokumenata za registraciju vozila u entitetima i Brčko Distriktu Bosne i Hercegovine, pripada 70% od prikupljenih novčanih sredstava iz člana 2. ovog pravilnika a 70% od prikupljenih novčanih sredstava iz člana 3. ovog pravilnika, na ime nastalih troškova.

(2) Ministarstvo finansija i trezora Bosne i Hercegovine, nadležnim organima u entitetima i Brčko Distriktu Bosne i Hercegovine, mjesečno refundira sredstva iz stava (1) ovog člana, a na osnovu podataka koji se vode u evidencijama Agencije za identifikaciona dokumenta, evidenciju i razmjenu podataka Bosne i Hercegovine.

Član 6.

(Namjena sredstava)

Nadležni organi za izdavanje dokumenata za registraciju vozila, sredstva ostvarena na ime nastalih troškova, koristit će za: stručnu radnu snagu, osiguranje odgovarajućeg prostora, nabavku i održavanje opreme koja se koristi za obradu zahtjeva i razmjenu podataka, troškove telefonskih usluga, osiguranje potrošnog i kancelarijskog materijala, kao i za druge troškove nastale u postupku izdavanja dokumenata za registraciju vozila.

Član 7.

(Obrasci dokumenata za registraciju vozila)

(1) Obrasce iz čl. 2. i 3. ovog pravilnika nabavlja Agencija za identifikaciona dokumenta, evidenciju i razmjenu podataka Bosne i Hercegovine, u skladu sa Zakonom o Agenciji za identifikaciona dokumenta, evidenciju i razmjenu podataka Bosne i Hercegovine ("Službeni glasnik BiH", broj 56/08) i Pravilnikom o registraciji vozila ("Službeni glasnik BiH", broj 69/09).

(2) Personalizaciju dokumenata za registraciju vozila iz člana 2. ovog pravilnika, obavlja nadležni organ, nakon provedenog postupka.

(3) Personalizaciju registarskih tablica iz člana 3. tač. a) do e) ovog pravilnika, obavlja Agencija za identifikaciona dokumenta, evidenciju i razmjenu podataka Bosne i Hercegovine.

(4) Naknada za obrasce dokumenata za registraciju iz člana 2. ovog pravilnika, koji su uništeni tokom personalizacije usljed greške službenika nadležnog organa, odnosno usljed unesenih pogrešnih podataka, će se odbijati iz sredstava koja se, shodno članu 5. stav (2) ovog pravilnika refundiraju, prema cijenama definiranim u članu 2. ovog pravilnika, po svakom uništenom dokumentu.

(5) Agencija za identifikaciona dokumenta, evidenciju i razmjenu podataka Bosne i Hercegovine, putem sistema registracije vozila, omogućuje nadležnom organu podatke o uništenim dokumentima zbog greške službenika nadležnog organa.

Član 8.

(Stupanje na snagu)

Ovaj pravilnik stupa na snagu danom donošenja i objavljuje se u "Službenom glasniku BiH" i službenim glasilima entiteta i Brčko Distrikta Bosne i Hercegovine, a isti se primjenjuje počev od 28.09.2009. godine.

Broj 012-02-2-3147/09
18. septembra 2009. godine

Ministar
Mr. sc. **Rudo Vidović**, s. r.